

Tocant era vida

Un viatge que i auie un mainatge que se didie Jusèp. Un dia, es sòns pairs li regalèren ua flaüta e atau descurbic era musica.

Era musica li shautaue tant, que damb era flaüta non n'auec pro. E comencèc a hèr ara clarineta.

Dempús dera clarineta, venguec era trompeta.

Jusèp la tocaue tan ben que toti la volien escotar.

Mès, tanplan que hège a ua pila d'esturments, Jusèp non ère content eth volie descurbir era musica que i auie per de tot e vaquí que decidic cercar-la: Tocant era vida

Era prumèra causa que Jusèp descurbic siguec qu'es animaus de pèth heireda non èren tan silenciosi coma eth pensaue.

Jusèp tanben auec ua grana suspresa quan treiguec, d'un animau maucarat, era musica mès amabla que vos pogatz imaginar.

Cabussant-se laguens dera mar, Jusèp toquèc eth sable, es pechines, e tanben un peish.

Era musica dera mar non s'acabaue jamès.

Sa mair de Jusèp ère fòrça contenta.

- Abans, Jusèp ne s'i apropaue, ara verdura -didie sa mair- ara, au mens la tòque.

E ei que Jusèp ac tocaue tot includit çò qu'era sua mair crompaue en ua parada deth mercat.

Un dia qu'auec de lauar es plats, Jusèp hec un gran concèrt ena codina de casa sua e siguec un trionf quan queiguec e se hec mau en pè, eth praube Jusèp non podie caminar sense ajuda. Mès açò, entada eth non ère cap de problèma. Ath contrari!


Jusèp tanben sabec trapar musica en lòc a on trabalhaue sa pair.

Jusèp ère convençut que ja ac auie tocat tot des arnesi deth sòn vesin, eth hustèr enquiath silenci.

Alavetz Jusèp sentec un batèc e dempús un aute e pensèc: - Aquesta ei era musica der amor!

Ara òc ara òc que ja ac è tocat tot.

Guidon: Eulàlia Carrillo



© CCRTV Interactiva, S.A. | Televisió de Catalunya, S.A.

- [Avís legal](#) |
- [Segell de qualitat](#) |
- [Contacta 5480](#) |
- - [Idiomes](#)
 - [Català](#)

- [Castellano](#)
- [English](#)